



Ilaqutariinnermut Peqqissutsimullu Ataatsimiititaliaq

mika@ina.ala.gl

Att: inatsisartut@inatsisartut.gl

02-11-2021
Suliap normua 2021 - 16171
Akt. id. 18369457

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ian@nanoq.gl
www.naalakkersuisut.gl

Meeqqanut, Inuusuttunut Ilaqutariinnullu Naalakkersuisup imm. 147 pillugu allannguutissatut siunnersuut saqqummiussaa pillugu Ilaqutariinnermut Peqqissutsimullu Ataatsimiititaliap allakkatigut apeqqutai pillugit akissutit.

Asasakka Ilaqutariinnermut Peqqissutsimullu Ataatsimiititaliami ilaasortat

Apeqqut 1: Siunnersuutaqaartumi nakuusernarnerup 2025-imi 25%-imik appartinneqarnissaa anguniagassaassutut allaqqavoq. Naalakkersuisut allannguutissatut siunnersuutaanni allassimavoq "ukiut tallimat ingerlaneranni persuttaasernerit annertuumik annikillisinneqassasut". Nakuusernarnerup appartinniarneqarnerani suliniutit assigiinngitsut sunniutaat malinnaaviginiarlugit Naalakkersuisunit qanoq uuttuiniarpat aammalu qanoq iliuusissatut pilersaarut appariaateqartitsisinnaanera qanoq uuttorniarneqarpa?

Akissut: Suliniutit ataasiakkaat toqqaannartumik nakuusernarnerup annertussusiata appariarneranut pissutaanersut pillugit uuttortaaniarneq ajornakusoortoq Naalakkersuisoqarfiup nalunngilaa. Iliuusissanut pilersaarummi sunniutit eqqortumik uuttortarneqarsinnaanerannut periarfissat suunersut misissorneqassasut Naalakkersuisoqarfiup kissaatigaa. Suliniutip aallartinnerani suliniummik taassuminnga uuttuineramik suliaqartoqarsinnaanersoq ilaatigut misissuisoqassaaq, uuttuineq taanna ingerlaavartumik sunniutinik uuttuisarnissamut aallaavittut atorneqarsinnaassaaq.

Apeqqut 2: Siunnersuutaqaartumi sullitassat tassaapput inuusuttut 15-t 30-illu akornanni ukiullit, allannguutissatulli siunnersuummi qanigisariinni nakuusernarneq pillugu allassimasoqarluni. Assigiinngissutaasup tunngavilersorneqarnissaanut Naalakkersuisoq qinnuigineqarpoq, aamma inuusuttut 15-t 30-illu akornanni ukiullit iliuusissatut pilersaarummi ilaatinneqassappat?

Akissut: Qanigisariinni nakuuserneq pitsaaliorniarlugu iliuusissanut pilersaarummi inuusuttut angajoqqaallu immikkut ukkatarineqarnissaat Naalakkersuisut kissaatigaa. Inuusuttuni eqimattakkuutaartuni iluaqutaasumik aamma 15-init 34-inut ukiullit ilanngunneqarsinnaapput. Nalunaarusiami, *Kalaallit Nunaanni 15-init 34-nik ukiullit akornanni eqqarsartaatsikkut peqqissuseq aamma*



peqqissuseq” Naalagaaffiup innuttaasut peqqissusaannik ilisimatusarfianit, (Statens Institut for Folkesundhed-imit) suliarineqartoq, matumani Center for Folkesundhed i Grønland ilanngullugu, inuusuttunut taamatoqqissaq ukiulinnut isiginnippoq aamma inuusuttunut taamatut ukiulinnut nalunaarsuutinit paasissutissanit nalunaarusiaq tunngaveqarpoq, ingerlaavartumillu uuttortarneqassalluni. Inuusuttut eqimattakkuutaartut taakku iliuusissanut pilersaarummi immikkut ukkatarinerisigut iliuusissanut pilersaarutip suliaasaqarfimmi uppersaasarsukkanik ilisimatusarnermik tunngaveqarnissaa qulakkeerneqarpoq.

Apeqput 3: Iliuussatut pilersaarummi inuusuttut 15-t 20-illu akornanni ukiullit ilaatinneqarpata suliniutinik immikkut ittunik sullitassanullu sammitinneqartumik paasititsiniaanermik Naalakkersuisut suliaqarniarpat?

Akissut: Ilaatigut inuusunnerpaanut suliniutit toraagaqarnissaat annertuumik siunertarineqarpoq. Iliuusissanut pilersaarutip ineriartortinneqarnerani susassaqtut attuumassutillit tamaasa ilaatinneqarnissaat kiisalu suliaasaqarfimmi ilisimasat ujjartorneqarnissaat pingaaruteqarpoq. Taamaalilluni suliniutaareersut suussusersissavagut imaluunniit iliuusissanut pilersaarummi sullinniakkat qitiutillugit suliniutinik suliaqassaagut. Iliuusissanut pilersaarummi siuneqartarineqartut sunniutissatut kissaatigineqartut anguneqassappata, oqartussaasoqarfiit assigiinngitsunik suliallit akornanni suleqatigiinneq pisariaqassaaq.

Apeqput 4: Naalakkersuisut allannguutissatut siunnersuutaat akuerineqassappat suliniutit suut iliuusissatut pilersaarummi ilaassanersut ataatsimiititaliamit paaserusunneqarpoq? Ataatsimiititaliap pingaartumik matumani eqqarsaatigai timikkut, tarnikkut nakuuserneq aamma imaluunniit kinguaassiutitigut kannguttaatsuliortarnerit aamma suliniutit sullinniakkallu assigiinngiiaartut pisariaqartinneqarsinnaammata. Suliniutit siamasissuunissaat eqqarsaatigalugu inuit attaveqatigiittarfiinik atorineqarsinnaaneri pillugit Naalakkersuisup eqqarsaatersuutigisariaqaraa ataatsimiititaliamit ilanngullugu qinnuigineqarpoq.

Akissut: Sullinniakkat iluanni assigiinngisitaartunik, kisianni aamma nakuusernernerik assigiinngitsunik immikkut isiginnittunik, suliniutinik assigiinngisitaartunik pisariaqartitsisoqassaaq. Sullinniakkat kikkuuneri apeqqutaatillugit, suliniutini ataasiakkaani susassaqtut ilaasa nakuusernerit suussusaat marluk imaluunniit suussutsit arlallit kattunneqarnerinik naatsorsuutigineqarsinnaasumik misilittagaqassapput. Nakuusernerup suussusii assigiinngitsut tamaasa pitsaanerpaamik anguniarlugit susassaqtut amerlasuut atorineqassapput. Oqartussaasoqarfiit, suliaqarfiit, ingerlatsiviit aamma suliffeqarfiit assigiinngitsut ilaatinnerisigut aamma suliaasaqarfimmi uppersaasatit pioreersut aallaavigalugit, nakuusernerup akiorneqarnissaanut atortutut atorineqarsinnaasut iliuusissanut pilersaarutip suliarineqarnissaa



siunertarineqarpoq. Tassuuna naapittarfiit arlallit atorneqarnissaat
kissaatigineqarpoq, ilaatigut soorlu inoqatinut attaveqaatit uani pineqarput.


Apequt 5:

Allannguutissatut siunnersuutip akuerineqarneratigut aningaasatigut
allaffissornikkullu kingunerisassai Naalakkersuisut nassuiaatigisinnaavaat?

Akissut:

Iliuusissanut pilersaarummik allanngujaatsumik pitsaanerpaaq atorlugu
pilertsiniaraanni, taava oqartussaasoqarfiit assigiinngitsunik suliallit akornanni
suleqatigiittoqassaaq, tamatumalu illiuusissanut pilersaarutip
suliarineqarneranut malinneqarneranullu aningaasaqarnikkut allaffissornikkullu
atitunerusumik aalajangersimasumik attaveqarneq kingunerissavaa.
Taamaalilluni suliassaqarfiit assigiinngitsut iluanni aningaasaqarnikkut
allaffissornikkullu pingaarnersiuisoqassaaq.

Inussiarnersumik inuulluaqqusillunga


Paneeraq Olsen